

Lungzswng:

Seizcin Daengz Caz Mbanjdung Homfwtfwt

龙胜：春到侗寨茶飘香

3 nyied 10 hauh, Lungzswng Gak Cuz Swciyen Bingzdwngj Cin Canghbei Cunh banh gaiq daih' it ciet caz seizcin. Ngoenzhaenx, banh le mbaetcaz doxdax、cimz cazmoq、guh ceiz、gwn ngaizbakranz daengj hozdung, yinx ndaej haujlai hekyouz caeuq dangdieg vunzlai daeuj camgya daejniemh.

Gaenh geij bi neix daeuj, aen yienh neix gaenxmaenx sonyinx vunzlai lingzvued riuzcienj diegnamh, hwngfat ndaem caz daengj saekloeg canjnieb, dangqnaj daengx yienh ndaem caz mienhcik daengz 1.7 fanh moux, mbawcaz bi canjlieng daengz 3000 lai dun, canjeiz daengz 2.4 ik maenz, mbawcaz canjnieb baenz cungj fuengsik vunzlai baenzfouq vutgungz he.

(Banh Cisiengz/潘志祥 Vuz Swngghbinh/吴生斌)



▲Mbaetcaz doxdax.



►Hekyouz daejniemh guh ceiz.



▲Henzgyawj hekyouz daeuj bozvuzgvanj ngonzyawj.

Bozvuzgvanj Goepgvej Dunghlanz

Guhbaenz Doiqrog Haicuengq

东兰蚂蚱博物馆建成对外开放

3 nyied 7 hauh, Bozvuzgvanj Goepgvej Dunghlanz Yen cingqsik doiq vunzlai haicuengq mbouj aeu cienz.

Aen gvanj neix cujyau youz vunzmbanj gag ok cienz hwnjguh, aeu Mbanjbahyingh Liu、Dwng song fuengzcug guhcawj, seizneix gungh comz cienz 59 fanh maenz, caiq gyahwnj aen yienh neix vwnzgvangi sinhdijgiz daengj danhvei haenqrengz haeujoengh. Seizneix aen gvanj neix gaenq baenz aen cunghhozsing bozvuzgvanj miz sourom、yenzgiu、baijlied、gyauyuz daengj goengnaengz he, doiq engq ndei vatcimh、swnjcienz、baujhoh caeuq hwngfat Bouxcuengh minzcuz vwnzva maenhndei miz youqgaenj yi yi.

(Veiz Swngsieng/韦盛向)

Yungzsuij: Hagseng Rogdangz Hozdung Fungfouq

融水：学生课外活动丰富

3 nyied 8 hauh, Yungzsuij Myauzcuz Swciyen banh hagseng byaij T daiz biujyienj, yinx ndaej haujlai hagseng caeuq bohranz daeuj yawj.

Gaenh geij bi neix daeuj, aen yienh neix yawjnaek hagseng rogdangz daegciengz mizyinx gyauyuz, haiguh caeuq laebbaenz minzcuz yozgi、sijcih、vehveh、lanzgiuz daengj gyauyuz gihdi, fungfouq hagseng rogdangz saedceij.

(Liu Swjyenh/廖子渊)



◀ Baijyienj buhvaq Myauz-cuz.

►Dah neix caen dwegvaetz.



Ningzmingz: Gyaudoeng Ancienz Senhconz Haeuj Miuhhoih

宁明：交警巾帼宣传队 交安宣传进庙会

3 nyied 10 hauh, Ningzmingz Yen Aiden Cin Aiden Segih gizdieg youq henzgyaiq Cungguck Yeznanz haenx banh conzdungj “ngeih nyied ngeih” miuhhoih, vunzlai henzgyaiq Cungguck Yeznanz faenfaen daeuj camgya aen hoihhoengh minzsuz neix, Ningzmingz Yen Gyauhgingj Dadui Ginhgoz Senhconzdui leihyungh aen seizndei neix habseiz guh senhconz gyaudoeng ancienz cihsiz caeuq faplwd fapgyi. Haeuj cieng daeuj, Ningzmingz Yen gak yanghcin、gak mbanj laebdaeb banh conzdungj miuhhoih caeuq ciet fwenbo, aen yienh neix gyauhgingj dadui roengzsim cujciz “ginghoz senhconzdui” aeu sam boux gyauhgingj mehmbwk gapbaenz haenx, bae daengz gak dieg banh miuhhoih、ciet fwenbo haenx, yiengq vunzlai senhconz gyaudoeng ancienz cihsiz, daezsang gyaudoeng ancienz yisiz, baujmaenh vunzlai okrog an’ an onjonj.

(Couh Yizgangh/周贻刚 Nungz Cidingz/农志婷)



▲ Senhconzdui yiengq dangdieg vunzlai guh senhconz.